



Jačanje borbe protiv terorizma

Udarna grupa protiv terorizma u SIPA

U Tužiteljstvu BiH jučer je održan sastanak glavnog tužitelja Gorana Salihovića, direktora Državne agencije za istrage i zaštitu (SIPA) Perice Stanića i ministra sigurnosti Dragana Mektića.

Razgovarano je o aktivnostima koje se provode u borbi protiv terorizma, organiziranog kriminala i korupcije. Dogovoreno je da se što prije intenzivira rad Operativne grupe za borbu protiv terorizma, a direktor SIPA će osigurati prostorije i kapacitete za rad grupe u okviru zgrade te agencije.

Sudionici sastanka pozitivno su ocijenili napredak u borbi protiv terorizma, koji je pohvaljen i u izvještaju State Departmenta, te istakli da se nastavljaju aktivnosti u formiranju i jačanju kapaciteta za borbu protiv terorizma i sprečavanju

Njemačka policija je uputila zahvalnicu direktoru SIPA za izuzetnu međunarodnu policijsku saradnju

aktivnosti koje imaju veze s terorizmom. Na sastanku je istaknuto da je suradnja agencija za provođenje zakona na izuzetno visokom nivou i da je rad agencija u najvećem intenzitetu i frekvenciji aktivnosti u posljednjih nekoliko godina.

Povodom brze i profesionalne reakcije SIPA, koja je, postupajući po informaciji Savezne kriminalističke policije SR Njemačke (BKA) Pokrajine Nordrhein-Westfalen, u oktobru prošle godine locirala i na području Sarajeva lišila slobode libanonskog državljanina Chahrour Bilala, njemačka policija uputila je zahvalnicu direktoru SIPA, u kojoj je navedeno da je ovo izuzetan primjer međunarodne policijske saradnje.

“Ovim srdačno zahvaljujemo na brznoj i profesionalnoj podršci, te izuzetnom zalaganju pripadnika vašeg državnog tijela”, navedeno je, između ostalog, u zahvalnici.

Za navedenom osobom bila je raspisana međunarodna potjernica nakon što je pobjegao iz ustanove za izvršenje krivičnih sankcija u Njemačkoj.